

欽定四庫全書

子部

證治準繩卷六十九



南京中医药大学图书馆版权所有

證治準繩

卷之四

陽明

明 王肯堂 撰

後五臟皆虛胃氣虧弱

陽氣不守上湊于頭陽

實陰虛則令頭痛也 又有產後敗血頭痛不可不知

黑龍丹言之甚詳

薛前證若中氣虛用補中益氣湯加

蔓荊子若血虛用四物加參朮血氣俱虛用八珍湯若

因風寒所傷用補中益氣湯加川芎

一產婦患頭痛

日用補中益氣湯不缺已三年矣稍勞則惡寒內熱為

陽氣虛以前湯加附子一錢數劑不發 一婦人產後

頭痛面青二年矣日服四物等藥余謂腎水不能生肝

木而血虛用六味丸加五味子兩月而痊

川芎散 治產後頭痛

真天台烏藥皮 大川芎 等分

右二味為細末每服三錢燒紅秤錘淬酒調服

一奇散 治同前 取當歸川芎為細末每服二錢水

一盞煎七分溫服

芎附散 治產後敗血作梗頭痛諸藥不效者

大附子一枚醢醋一碗用火四畔炙透蘸醋令盡去

皮臍加川芎一兩並為末每服一錢又作二錢茶清調下

郭茂恂嫂金華君產七日不食始言頭痛頭痛已又心痛作既而目睛痛如割如刺更作更止相去無瞬息間每頭痛甚欲取大石壓良久漸定心痛作則以十指抓壁血流滿掌痛定目復痛又以兩手自剜取之如是十日不已衆醫無計進黑龍丹半粒疾少間中夜再服下瞑目寢如平時至清晨下一行約三升許如蝗蟲子三疾減半已刻又行如前則頓愈矣

黑龍丹見前
產後通用方

丹一婦年三十餘產後身熱頭痛肚痛

陳皮 白朮 白芍藥各二錢 黃芩二錢半 川芎一錢 乾

薑 牡丹皮 甘艸各一錢半 荆芥錢半

右九味分四貼水煎服

加減四物湯保命治產後頭痛血虛痰癖寒厥皆令頭痛

蒼朮一兩六錢 羌活 川芎 防風 香附炒 白芷各一

兩石膏二兩半 細辛一兩半 當歸 甘草各半兩

右十味粗末每用一兩水煎不拘時服 如有汗者

知氣弱頭痛也方中加芍藥三兩桂一兩半生薑煎

如痰癖頭痛加半夏三兩茯苓一兩生薑煎 如
熱痰頭痛加白芷三兩石膏三兩知母一兩 如寒
厥頭痛加天麻三兩附子一兩半生薑三片煎服

脚氣

大全產後熱悶氣上轉為脚氣者何答曰產卧血虛生
熱復因春夏取涼過多地之蒸濕因足履之所以著為
脚氣其狀熱悶掣癱驚悸心煩嘔吐氣上皆其候也可
服小續命湯

方見雜
病中風

兩三劑必愈若醫者誤以逐敗血

藥攻之則血去而疾益增矣 陳無擇評曰脚氣固是
常病未聞產後能轉為者往往讀千金見產婦多有此
疾之語便出是證文辭害意蓋可見矣設是熱悶氣上

如何便服續命湯此藥本主少陽經中風非均治諸經
脚氣須要依脚氣方論陰陽經絡調之此涉專門未易
輕論既非產後要病更不繁引 陳無擇雖有此論然

小續命湯加減與之用無不效故百問云寒中三陽所

患必冷小續命湯主之

加生薑
汗更快

暑中三陰所患必熱小

續命湯

去附子減桂一半

大煩躁者紫雪最良

予取百問中加減法庶使後人

均得如無紫雪用真薄荷煎冷水嚼下

婁云諸方必與四物湯各半服

之

薛前證當補氣血為主佐以小續命湯寄生湯如

不應用大防風湯

一產婦患前證或用獨活寄生湯

而痊後復作服前湯其汗如水更加口噤吐痰余用十

全大補湯培養血氣漸愈後飲食日少肌體日瘦吐痰

如湧此命門火衰脾土虛寒用八味丸及加味歸脾湯

諸證漸退肌肉漸生

獨活寄生湯 治肝腎虛弱或久履濕冷之地或洗足

當風濕毒內攻兩脛緩縱攣痛痺弱或皮肉紫破足

膝攣重又專治產後脚氣

川獨活三兩桑寄生如無以續斷代杜仲炒牛膝去蘆酒浸細辛

官桂不見火白茯苓 防風 川芎 當歸 人

參 熟地黃酒洗芍藥 秦艽各二兩甘草炙一兩

右十五味為呔咀每服四錢薑五片水煎溫服

遍身疼痛

大產後遍身疼痛者何答曰產後百節開張血脉流散
遇氣弱則經絡肉分之間血多流滯累日不散則骨節
不利筋脈急引故腰背不得轉側手足不能動搖身熱
頭痛也若醫以為傷寒治之則汗出而筋脈動惕手足
厥冷變生他病但服趁痛散除之 薛前證若以手按
而痛甚是血滯也用四物炮薑紅花桃仁澤蘭補而散
之若按而痛稍緩此是血虛也用四物炮薑人參白朮
補而養之 一產婦身腹作痛發熱不食煩燥不寐盜

汗脇痛服解散祛血之藥不時昏憤六脈洪大如無用
補中益氣加炮薑半夏一劑頓退二三又劑寢食甘美
但背強而痛用八珍散大補湯調理而安 一產婦遍
身頭項作痛惡寒拘急脈浮緊此風寒之證也用五積
散一劑汗出而愈但倦怠發熱此邪氣去而真氣虛也
用八珍湯調補而痊 一婦六月產後多汗人倦不敢
袒被故汗出被裡冷則浸漬得風濕疼痛遂以羌活續
斷湯數服而愈

起痛散峻治產後氣弱血滯遍身疼痛及身熱頭疼

牛膝 當歸 桂心 白朮 黃芪 獨活 生

薑各半兩 甘草 薤白各二錢半

右九味㕮咀每服半兩水三盞煎至一盞半去渣食
前服 陳無擇評曰起痛散不特治產後氣弱血滯
兼能治太陽經感風頭疼腰背痛自汗發熱若其感
寒傷食憂恐驚怒皆致身疼發熱頭痛况有蓐勞諸
證尤甚起痛散皆不能療不若五積散入醋煎用却

不妨

五積散加酒煎治感寒頭痛身疼方見傷寒門恐與四
物各半服之穩當加桃仁煎治腰痛逐敗血去風濕
大治產後遍身青腫疼痛及衆疾

牛膝 大麥蘖

各等分

右二味為細末以新瓦罐子中填一重麥蘖一重牛
膝如此填滿用鹽泥固濟火煨過赤放冷研為散但
是產後諸疾熱酒調二錢下

活血丹 蒼朮四物各半湯

並見雜病身痛

烏金散

治產後骨節四肢疼痛

見後狂言譫語

中風

大夫產後中風者由產時傷動血氣勞損藏腑未曾平復起早勞動致使氣虛而風邪乘虛入之故中風風邪冷氣客于皮膚經絡但痛痺羸乏不任小氣大凡筋脈挾寒則攣急喝僻挾溫則縱緩虛弱若入諸藏恍惚驚悸隨其所傷府藏經絡而生病焉 郭稽中論曰產後

中風者何答曰產後五七日內強力下床或一月之內傷於房室或懷憂怒擾盪冲和或因食生硬傷動藏府得病之初眼澁口噤肌肉潤搖漸至腰脊筋急強直者不可治此乃人作非偶爾中風所得也 薛前證果外

邪所屬形氣不足病氣有餘當補元氣為主稍佐以治病之藥若強力不休月內入房屬形氣俱不足當純補元氣多有復甦者若誤投風藥乃促其危也

丹產後中風口眼喎斜必用大補氣血然後治痰當以

左右手脈分其氣血多少以治切不可作中風治用小續命湯及發表治風之藥

防風湯 治產後中風背項強急胸滿短氣

防風

獨活各去蘆

葛根各伍兩

當歸

人參

各去蘆

白

芍藥

甘草

炙各二兩

右七味為呔咀每服八錢水一盞半棗子二枚擘破同煎至一盞去滓溫服不拘時

川芎散

治產後中風身背拘急有如繩束